

33696

10 Kap
8.34 289.
LXVII 1/479

DIES CINERUM

2/3817 2/12

post licentiosa vitæ Bacchanalia

Seu

Vera in cinere & cilicio

POENITENTIA

DIVI LANDELINI

post traductam in impietate A dolescentiam,
Ad salutarem terrorem & exemplum,

Sæculi Libertinis,

Sub Bacchanales effrœnis Licentiæ ferias

Antecinerale Scena

PROPOSITA

Ab

Oratoria Facultate Almi Collegij Brunsb
bergensis Societatis JESU.

Anno 1726. 2. Martij.

11119

ARGUMENTVM.

LANDELINUS è prima Gallorum nobilitate, in Camera-
censi territorio ortus, Autberto sanctioris vitæ Magistro,
literis & pietate imbuendus traditus est; cumq; non me-
diocres in omni virtute progressus faceret, ita: ut relictis
mundi vanitatibus, se totum DEO consecrare proponeret,
quidam ejus Cognati, eum ab amore rerum cœlestium planè abdu-
xerunt, venenatisq; sermonibus eò impulerunt, ut relicto clanculum
Autberto nefandis se totum sceleribus traderet, ac tandem cædibus
& rapinis prædonum instar, se suamq; Familiam turpissimè inqui-
naret: Jamq; per frequentata flagitia præceps ruebat in perditionem,
donec morientem unum repente è socijs, æternis, justo DEI judi-
cio, addici supplicijs, per somnium conspexit; hoc permotus, An-
geliq; monitis perculsus, ad Autbertum redux amarissimam egit
pœnitentiam, longaq; inediâ ac precibus vitam emendavit. *C. Baron.
t. 8. Annal. & in Notis Martyrol. Rom. Surius 15. Junij. Grassius. Ribade-
neira. Fasti Mariani. Heweness. &c.*

PROLOGUS.

*Genius Landelini dubius in bivio æternitatis, hinc à Societate prava re-
presentante ei vanitatem mundi, ad complectendam viam spatiosam, illinc
à Timore DEI ad arctam invitatur: Verùm dum iniquè persuasus, priorem
apprehendit, conversa repente vanitate, in osseum cadaver, patefactusq; Ere-
bi faucibus perterritus, redux viam paucorum, asperamq; pœnitentium in-
greditur semitam.*

33.696. III.

ACTVS PRIMVS.

Scena I. Landelinus sub institutione Autberti, Religiosæ militiæ adscriben-
dus Tyro, solitariam vitam in Cameracensi eremo probaturus, à le-
muribus, strigibus, alijsq; terriculentis infestatur ad mutandum
vitæ propositum, quibus ab Autberto fugatis; pugna cum orco fes-
sus, indormiscit, somnijsq; iteratò ad defectionem tentatur.

Scena II. Landelinus evigilans, Herous mundi contemptor, ad Autbertum se
confert, insidias Erebi relaturus; qui dilaudatâ Landelini constan-
tiâ, pro gratiarum actione cum eodem partem Pl. 17. à v. 18. *Eripuit
me de inimicis meis &c.* canit, usq; ad v. 27. *Et cum electo electus eris,
& cum perverso perverteris;* ad quem illachrymans seniculus, acrius
Landelinum monet, magis illi à perversis, quàm ab Orco imposte-
rum metuendum esse.

Scena III. Autberto in ulteriorem pro oratione sylvam digresso: Landelinum
tristiolem aliquantum, Perversius Patruelis, Malkompagnius, cum
alijs Aulicis Bon-Pererij Ducis, ex occulto, musicâ exhilarant; Lan-
delinus, quinam sint? inquisiturus, ubi se illis adjungit, venenatis
eorundem persuasionibus post diuturniorem luctam inducitur, ut
elam ab Autberto abscedat, Patri, mundoq; ultimum dicturus vale.

Scena IV. Bon-Pererius Dux Parens, Landelinum Filium reducem non omni-
modè hilariter excipit; verùm dum ex eo intelligit, illum pro ul-
tima suorum valedictione redijisse, apparandum convivium Ar-
chimagiros, cognatos, proximioresq; nobilitatem invitandam, de-
mandat Politinio.

Scena V.

Scena V. Expeditus à Bon-Pererio Landelinus pro digressione, multum jam consortio Perversij, Malkompagnij, ac aliorum, in sanctis propositis labefactatus, dum eminus agnoscit, Nuntium Autberti urbem petere; suspicans significaturum Bon-Pererio, suam ab Autberto fugam, mandat socijs, ut illi accessum ad Patrem impediunt, quod executuri, divexatum, in domum suburbanam custodiendum includunt.

INTERMEDIUM.

CHORUS

Ex occasione Landelini orcum vincens, & pravorum consortio victi, docet malos socios esse peiores demonijs.

ACTVS SECVNDVS.

Scena I. Sub finem convivij, accommodatus ultimæ Landelini valedictioni instituitur saltus: post quem Bon-Pererio amicisq; valedicere jubetur Landelinus, quod imperium dum cognati vident ægrius Landelinum suscipere, supplices facti, triduum adhuc ab invito Parente, ultimis Filij impetrant hilarijs. Abeunte Bon-Pererio liberius genio indulgent. Ex quibus

Scena II. Bon-Pererius in suspicionem venit Landelinum in proposito vacillare; quod confirmat Autberti Nuntius, ob cognitam innocentiam è custodia dimissus, dum occultam ejus fugam ab Autberto significat; simulq; de sui ab Aulicis nuperna divexatione conqueritur, quod mandato Landelini factum esse fatetur Adulius.

Scena III. Justè ob hæc excandescente Bon-Pererio, Oeconomus nuntiat Landelinum & Malkompagnium liberalius vino indulgisse, variaq; inconvenientia perpetrâsse, prioremq; palàm nuntium Religiosæ vitæ remisisse: Ad quæ stupens pius Pater, cognitâ perversionis Filij causâ, consortium esse Malkompagnij, ex nunc hunc ejiciendum Aulâ, illum severius tractandum statuit.

Scena IV. Malkompagnio imperatur ab Oecono exilium Aulæ; quod ubi reluctanter exequitur, obvius fit Landelino, qui jam ab Adulio edoctus, Patrem sibi insensum, tum ob susceptam ab Autberto fugam, tum ob nuper commestationem, socium se fugæ adjungit.

Scena V. Compertâ in Aula Landelini fugâ, undiq; à Bon-Pererio inquiri mandatur; quod ipsum per Præconem promulgatur, indicibusq; præmia destinantur.

INTERMEDIUM.

CHORUS

Docet nihil tam facile esse, quàm malum fieri. D. Gregor. Nazianzenus.

ACTVS TERTIVS.

Scena I. Landelinus cum Malkompagnio in sylvis, quas olim Religiosus Tyro inhabitaverat, in Mutillum ac alios prædones incidit, quibus se ambo non inviti adjungunt: ubi audiunt insequentes se Oeconomum & Adulium, in insidias se locant: Malkompagnio, ob asperam sui nuper ex Aula expeditionem, urgente prioris necem, consentiente Landelino.

Scena II. Dispersis in insidias prædonibus, Landelinus cum Mutillo, Nuntium Autberti reducem, ob Patri, sui denuntiatam fugam, in ulteriorem sylvam abductum trucidant. Oeconomus vix ab insequentibus

tibus Malkompagnio & alijs salvus, in excavatam arborem, quam condendis occiforum cadaveribus, adhibuerant prædones, se occultat.

Scena III. Elusi ab Oeonomo Malkompagnius cum socijs, è cursu sese collecturi, prædictæ affident arbori: Interea Mutillus cum Landelino, cadaver Nuntij in prædicta arbore condendum adportant, quod dum frustra ob repletam arborem Oeonomo, tentant: audito Venatorio cornu, relicto cadavere disperguntur. Malkompagnius quærens latebras inter vepres à Venatoribus pro fera interficitur.

Scena IV. Oeonomus terrore planè exanimatus è sepulchro suo rediens, Nuntium occisum, tum cogniti ex voce Landelini ac Malkompagnij deplorat sortem. Junctus Adulio aberrantes in sylvis in Autbertum incidunt, cui quidnam cum Nuntio, ac Landelino agatur, referunt. Autbertus reductis in viam Oeonomo & Adulio, pro conversione Landelini DEUM supplex exorat.

Scena V. Landelinus quærens Malkompagnium incidit in cadaver ejusdem, ex cujus morte vehementer afflictus, lassatus in via iniquitatis, sopori se dedit, in quo eidem repræsentatur justum DEI Judicium, ac æterna mors Malkompagnij, monente Angelo, Landelino hucusq; Divinam Nemesim pepercisse, ob preces Autberti, nisiq; vitam correxerit, pari exitio obruendum.

Scena VI. Landelinus horribili somnio, summè terrefactus, acerrimo dolore anteaactæ vitæ contritus, relictis omnibus, recta viâ ad Autbertum properat, ubi reperto etiam Bon-Pererio Parente (qui pro consolatione ad Autbertum venerat) inter amarissimas lachrymas, serò agnoscit se cum *perverso* effectum *perversum*: gaudiosis lachrymis ab utroq; tanquam Filius prodigus recipitur, diemq; cinerum, post vitæ Bacchanalia inchoaturus, pœnitentiæ habitum assumit, scenamq; claudit.

EPILOGUS.

Timor DEI innocentes, illo S. Laurent. Just. de int. Conf. c.7. cavet: Non evadet peccatum, qui socius voluerit esse peccatorum; Nocentes monet: illis post licentiosè peragenda Bacchanalia, inevitabile eligendum fore bivium; aut æternam mortem, aut amaræ in vita pœnitentiæ, diem cinerum. Religio utrosq; damnato pravo Consortio, ad Societatem JESU in Eucharistico cibo ineundam, quo associamur, unimur & incorporamur Christo (S. Thom. p. 3. q. 79. a. 1. in ☉) invitat: ingeminans illud ad Rom. 8. Quis nos separabit à Charitate Christi &c.

Ad

M.D.T.O.M.G.B.V.M.S.L.O.C.H.

SSq; OO. perpetuum Cultum
ac Venerationem.

